

摘藻堂四庫全書薈要

集部

欽定四庫全書薈要卷一萬六千五百五十

集部

清閔閣全集卷四

元倪瓚撰

七言古詩

送徐君玉

閩江之水清連漪隔江名園多荔枝閩中女兒天下白
越波飛槩逐鳧鷖棹歌清綿洲渚濶蕩槩落日令人悲
蠻烟怪雨忽冥密蔣芽蒲葉相叅差此中勝事不為少

徐郎遠遊牽我思

寄張徐二秀才

東膠山麓繚修阻春水鳴渠竹滿園
玄真棲遁樂耕釣徐孺風流存子孫
適我騎犢詣其處荷爾作黍留清言
夜闌把燭竟歸卧烟草蝶飛勞夢魂

十二月七日岳季堅夜坐走筆贈之

僧扉共卧風雨夕岳生清真何太顛
持家有弟足自慰無錢沽酒殊可憐
梅蕊衝寒欲破白一作愁燈花惱人

欲破

故生妍孰知旅枕作孤夢周處廟前行買船

古意一首答曹德昭

齊王好竽客鼓瑟操瑟何以干齊門古人結交多豪傑
况爾封君之子孫王國陳詩終大雅楚俗尚鬼悲招魂
相思日暮不可見鴻飛冥冥目力昏

劉君元暉八月十四日邀余玩月快雪齋中對

月理詠因賦長句二首

卷簾見月形神清疑是山陰夜雪明長歌欲覓剡溪戴

悵然停杯遠恨生
 爾營茅齋名快雪
 邀我吹笙弄明月
 明星如銀浮翳消
 垂露成帷桂花發
 酒波蕩漾天河傾
 笙聲嫋嫋秋風咽
 古人與我不並世
 鶴思鷗情迴愁絕
 涼月紛紛疑積雪
 凝暉散彩白於銀
 此時獨酌開軒坐
 便欲剡溪尋隱淪
 爾營茅齋名快雪
 我醉行吟踏秋月
 河漢無聲風露寒
 心境冷然同一潔

餘不溪詠 并序

開玄館在餘不溪濱
 距溪無百步上清玉真
 人所居溪流冬夏盈演
 玉光澄映與他水特

異故為名馬庚午歲春因市藥過浙江趣便
道將歸梅里俯斯水而悅之泝流聞咏盥濯
平津顧瞻壇宇近在東麓遂舍舟造其下真
人為出酒脯燕嘯巖洞竟日乃返悠悠徂歲
忽已十有七寒暑矣余既為農畝畝身依稼
穡復爾政繁奔走州里欲為昔遊其可得乎
鍊師超然物表閒情夷朗周覽宇內將還立
館余因仿像疇昔之所覩退賦短章以饒斯
別若夫超躡澗濁逍遙玄邁蓋深志
於是矣覽而咏言能無動悲慨乎

餘不溪水綠生賞放舟演漾當青春舟隨鶴影忽行遠
洞口桃花飛接人雲松蔽虧煙蘿席儼在溪東之石壁
羽人垂衣坐鼓簧饋我晨飧芝菌香從茲更發洞庭渚

濯髮咸池臨故鄉

餘不溪水涵綠賞微風吹波盛龍鱗看山蕩槩不知遠

花間白鹿來迎

一作兩岸
桃花飛接

人溪迴路轉松風急竹林華

房霞氣溼忽逢道士頰而長疑是韓國張子房相期飄
拂紫烟裏下攬滄溟浮玉觴

醉題許生壁

生有破屋山西村風雨不出卧衡門藁書其間讀且温
客來輟書就琴尊寂寞古道安可論

醉歌行次韻酬李徵君春日過草堂賦贈

昔聞杜陵之茅屋汀花冥冥汀樹綠舊題新詠答年華
種朮行椒繞山麓石床丹竈青琅玕春渠流水夜潺湲
當年寶劍淪黃土空餘山月照波間今我不樂懷往古
短世紛紛誰比數花下欣逢李白來山鳥溪童亦歌舞
酒酣長嘯五情熱軒冕何榮築巖說邈然抗節餓首陽
何異佯狂抱貞潔君歌已竟歌我詩賢愚榮顛百年期
少文豈愛壁間畫老疾俱來難命駕仰視翕忽浮雲馳

安得乘螭與雲化揚花縈夢滿晴天
迸壑春雷驚醉眠
李侯神清色不動手敲茶雪落輕煙
相逢為樂誠草草
竟欲攜君卧煙島城郭秋風白鶴飛
海上餐霞不知老
杜陵昔年有茅屋浣花溪邊錦江曲
古人不見春風來
桃李無言自山麓石牀蘚溼青泥乾
決渠流水夜潺湲
可憐寶劍埋黃土空餘山月照波間
今我不樂空懷古
短世長年誰比數花下那知李白來
山鳥恣歌童亦舞
酒酣大笑五情熱作相形求築巖
說夷齊相逝居首陽

逍遙采薇飽芳潔勿歌虞夏神農詩賢愚等是百年期
魯連恥秦亦蹈海笑爾局促商山芝少文壁間對圖畫
莫待老來誰命駕仰看翕忽浮雲馳安得乘螭與之化
漠漠楊花縈遠天迸壑晴雷驚醉眠李侯神爽色不動
手中茶雪落輕煙逢君此樂誠草草便欲攜君卧煙島
海上千年白鶴飛世人何為而自老

江南春

汀洲夜雨生蘆筍日出曛矓簾幕靜驚禽蹴破杏花煙

陌上東風吹鬢影遠江遙曙劍光寒轆轤水咽青苔井
落紅飛燕觸衣巾沈香火微縈紛塵 春風顛春雨急
清泪泓泓江水溼落花辭枝悔何及絲桐哀鳴亂朱碧
嗟胡為客去鄉邑相如家徒四壁立柳花入水化綠萍
江波搖蕩心怔營

江南春詞二闋和倪雲林韻

戴祕笈
周履靖

春林夜雨朝逆荀桃李芳菲門徑靜主人寂寂對疎
橋簾外交飛雙燕影峭寒風雨羅衣冷幾樹梨花開
近井社酒歸來釗角中欹斜醉步動輕塵 蝶飛忙
花信急杜鵑聲裏春衫溼韶光然指嗟何及倚樓芳

草連天碧幾處笙歌滿城邑垂楊繫馬風
前立請看綠水汎青萍堪笑隨波空自營
村前萬樹桃花盛綠柳垂絲間紅杏呼朋拉友玩芳
春歷遍韶華三月景雕鞍金勒相馳騁青樓柳巷追
佳興吳姬媚娜笑歡迎握手殷勤話更親入蘭房
檀麝集銀燈翠管延嘉客冰盤玉饌陳芳席金尊嫩
斝浮琥珀玉指纖纖調錦瑟牙牀繡帳娛
此夕金雞三唱促登程惆悵相看不盡情

賦許君震杏林小隱

江上春雨歇喬柯散繁花開尊藉莓苔共醉仙人家霽
景麗華彩微波搖絳霞東風夜來急吹雪滿江沙明朝
杏熟虎為守郊原綠遍聞鳴蛙

贈顧定之

輕薄紛紛新少年論詩作賦如湧泉為雲為雨手翻覆
背面傾擠當面憐阿翁七十仍踰四與我同心生並世
高卧白雲飡絳霞草堂門對靈巖寺

贈康素子

道德五千言玄之又玄谷神不死曰玄牝用之不勤
以綿綿太原道士康素子口講此書手畫指猶龍之後
有蒙莊迴薄宇宙有根柢蝴蝶栩栩觀物化濠魚洋洋

樂何似壺丘弟子御風遊遊仍有待曷足恃尻輪神馬
鴻濛外恍惚杳冥隨所止化人之居隣太清十二重樓
臨五城千劫謂如一食頃不起於座空飛行王喬鶴上
吹玉笙食棗東海安期生雲車霓靴到平地渴飲懸河
天為傾大茅登雲二弟迎紫虛永和傳玉經楊曦以授
許長史玉斧清映道初成貞白子微如日炯千巖萬壑
春冥冥葛玄登鍊匡廬頂淵雷一聲眠鶴醒道陵章奏
陽平治子孫繩繩祖武繼重陽晚出金末裔全真爾名

欽世世仰瞻在昔老莊列近比肝膽遠胡越要知道不出智勇疾似秋空鷹一撇素乎素乎爾隣乎道德而不孤凡夫皆具仙真體一扇仁風病即蘇

寄徐元度

二月苦雨晝如晦閉戶獨眠無所為黃鳥翻飛乍依竹櫻桃爛熳開滿枝起覓杜康欲自慰坐無徐孺令人悲春帆早晚江西去東湖宅前舟可維

陸隱者禱雪獲應

紇千山頭黃草枯年年雪花大如掌春風草綠牛羊蕃
誰為祈禳復誰賞南雪由來到地消今年冬煖知為妖
民間禱雪誠希有早禱桑林聞昔謠

鄭有道隱居梁鴻山

伯鸞近在東山陞室無孟光唯兩兒草堂資煩王錄事
蓮社緣依遠法師迎我掃除松下雪因君起寫壁間詩
便思從子遂真隱深谷紫芝堪療饑

賦耕雲贈友

大茅峰前萬頃雲煙耕雨溉曉細縕也知神物無根蒂
誰種空山誰與耘愛君茅屋當南面閒看陰晴玩其變
白鶴眠松夜夜歸朝逐孤雲如匹練

贈季丙卿

季子蕭條千古心斷碑荒冢在江陰行人過客寧知此
春雨年年江水深君家一作家園正近延陵郭世遠義風猶
未薄誰識寥寥末裔一作派孫種杏成林惟賣藥

延陵道

延陵道去國千有餘里民風質直昔季子攸居義興其
屬邑過百里而遠麗於南隅民當西晉有周處肆勇鬪
很於鄉閭人皆以為患父老揚言其非一朝發憤易行
忠孝俱其歿已千載民今仰而祠我幸生居在隣邑春
服始成來游而來娛式逢劉公揚驪踟躕酌山之泉撐
渚之蒲相率奠拜步趨襜如歎咏而去方舟載塗錫山
之陽其水舒舒山氣磅礴而敷腴上升為雲雨彌滿乎
九區厥土沃若君子於以田斂公度中流揚揚其旗載

挹載注原茲古初睽此平墟秦伯所都夫子所謂至德也
已矣吁嗟逝流百世下聞其風者尚敦乎薄夫

送潘生適越

鏡湖春水綠泔泔兩岸楊花飛白雲落日繫舟微雨歇
一壺濁酒飯香芹嘉爾盛名年少得筆精墨妙比羊欣
日長高卧無餘事應有人書白練裙

贈陸子華

為愛泖西春水綠三年不來今乃復如來不三宿桑下

子華留我經旬宿東隣唯有沈休文文字詩篇與討論
時時亦復具雞黍未能厭飫嘉盤殮為君吐出無味句
歎爾網魚共濡煦不作卑卑兒女情仰天大笑飄然去

宿薩判官家聽琴

薩公能琴賢且文城闈一遇何懽欣高齋一作堂掃榻新

雨霽為鼓瀟湘之水雲竹林蕭瑟風嫋嫋山日掩靄波

泫泫曲終推琴意逾妙一作淡高山流水餘音聞一作忍
即別去

隨飛

蚊

送錢成大赴淮南

桐柏山高淮水濶道途悠悠心忽忽大藩作鎮據兩淮
公侯干城孰子越帶雨春潮送櫓聲淮山千里青相迎
隱居行義今寡落到邑煩君訪董生

李徵君將還揚州因言沈郎官吳中賦此以寄

二月桃始華淮南客還家階前疎雨落堂上春衣薄為
言沈約在吳中玉壺青絲酒如空春風相過蕙草綠芳
菲滿堂樂未終

姚節婦詩

節婦復節婦處心良獨苦苟不義以生寧從義而死荆
南流水石齒齒寇辱形虧澆清泚妾可死不可辱夫從
父生死攜女婦兮婦兮死所安使我感激涕汎瀾古今
出處多射利委身事國為貪奸嬴王易主意未殫身沒
令名生美官嗚呼史臣直筆古來少孤臣直節今尤艱

奉寄沈理問

紫霞虛皇之上清迢迢十二樓五城煙霧窻扉鳥為使

霞綃衣裳翠織成雲旂芝蓋

一作翠旂

集真侶清露如鉛籠

玉宇回看人世方虺蜥擾擾泥途困雲雨騏驥繫足鳴

何饑黃鵠截翮不得飛杜鵑哀號鷓鴣泣苦竹嶺頭無

月輝可憐仙凡一塵隔哀樂紛綸殊不極人間亦有學

仙人神巫傲傲舞瑤席精靈翕忽虹影長觴湛桂酒羞

楓香雲情蜷局難為駐世味臃脛不足嘗仙人舊亦人

間住乘雲往列仙曹署願從帝所話悲辛明良留心乃

竒遇我聞天道自循環福善殃淫帝所關令威亦成歸

來願豈遂忘情出兩間

贈丁醫士

泊舟風雨芙蓉城江上君山雲錦屏
我來已是千年後館主子孫猶姓丁
丁君手鍊不死藥芙蓉仙人久相約
孤鰥七十老無家種杏春來一作林
看落花

詠鶴

丹鳳歲徒何處藏翳茲天孫雲錦裳
嘎然長鳴引圓吭

晨飛峨峨

一作岷峨

暮良常玉笙窸窣珮琅琅
千年仙驥時

歸翔步苔飲泉下趨蹌忽然不返歲月長爾居雞羣獨
彷徨羽衣猶白未老蒼清都霄臺應已忘啄腥吞腐塵
土鄉乘軒豈復思華陽樊籠未離勿張皇

蝓蝓

歲己亥春仲月之六日自寅迄酉震雷且雪甲辰暮冬
日癸卯蝓蝓見於震馭飛龍挾雷電落景皎出月老夫
頻年熟灾異夏凄其風冬乃熱晝霧暝如夜淫雨十旬
浹疲農不使憇殘喘志士不得安巖穴國之祆疹古亦

有十月雷電天或隕石或雨血人君修德灾可弭桑生
於朝赫王業方今滔滔天下墊鋒鏑四起羣豪傑孰能
拯亂以為治嗜仁而不虐吁嗟斯民命矣夫荼毒殘傷
亦何辜

秋鶴軒

開軒北郭名秋鶴鶴影翩翩向寥廓不見千年丁令威
悲嗟城郭是耶非紛紛霜葉飄庭樹苔色荒陰翳煙霧
草徑逶迤深樹中時有山僧自來去

賦翠濤硯

岳翁嘗寶翠濤石今我還珍翠濤硯翠濤泫泫生穀紋
雲章龍文發竒變元章硯山徒自惜此硯顛應未曾見
我初避亂失神物玉蟾滴淚空悽戀珠還合浦乃有時
洗滌摩挲冰玉姿書舟輕迅逐鳧鷖喜出火宅臨清漪
松雲磨香淬毛錐天影江波映碧滋一咏新詩開我眉

題王元用秋水軒

秋水如玉涵綠蒲玉壺美酒清若無佳人倚窻調錦瑟

文君勸飲坐當壚昔年種柳繞漢南樹今搖落人何堪
惟有年年秋水至翠煙石黛漾晴嵐開軒清映臨秋水
斜日荷花淡相倚凌波微步襪生塵交甫凝情佩還委

送顧生歸四明

江上買舟歸四明楓林搖落

一作竹枝
媵媵

秋風生好營三釜

為親養此去千里飛雲情禾稼登場候鴈至霧雨如晦
晨雞鳴舒王舊日宰邑處苔石縱橫湮姓名

贈陶得和製墨

麋膠萬杵搗玄霜螺製初成龍井庄悟得廷珪張遇法
古松煙細色蒼蒼桐花煙出潘衡後依舊升龍柳枝瘦
請看陶法妙非常一點濃雲瓊楮透

郭文顯推人禍福神驗賦贈

昔者馬季主賣卜如有神郭君言禍福竒中乃其倫顧
我年衰野而蕘尚復紛紛嬰世網為卜明年春水生欲
問桃源刺漁榜

題陳氏齋壁

愛爾茅齋寡塵鞅

一作雜

時來下帷清晝眠風流任

一作政

使書裙去嬾慢惟知坦腹便林間病鶴尚俯啄池上山
雞徒自憐何為當年種桃者移家偶脫區中緣

題曹雲西畫松石

雲西老人子曹子畫手遠師韋與李衡門書掩春長閒
彩毫動處雄風起葉蔽戈法技如籀蒼石庚庚橫玉理
庭前明月滿長松影落吳淞半江水

對梓樹花

去年梓樹花開時美人明璫坐羅帷今年梓樹花如雪
美人死別已七月梓花如雪不忍看沈吟懷思淚闌干
鳴鳩乳燕共悲咽柳綿風急烟漫漫

題趙榮祿馬圖

嘗聞唐開元時畫馬曹將軍妙合變化神紛紜少陵為
作歌其詞藹如雲又聞宋元祐之中李龍眠畫法奄出
將軍前蘇黃二子誇神駿險語驚飛蛟蟄淵國朝天馬
來西極振鬣駕駘為辟易玉堂學士寫真龍筆陣長驅

萬人敵學士歌詩清且腴當時作者數楊虞畫成題就

兩竒絕價擬一作連城明月珠吁嗟天馬天一隅寶繪

於今亡矣夫學士多師內廢馬得法豈在曹李下俗工

未解知神妙此日罷駕遍華一作夏好事流傳亦苦心

誰為幽賞伯牙琴獨悲蘭亭繭紙隨零雨轉覺臨寫紛

紛費毫楮

為曹僉事畫溪山春曉圖因題

荆溪之水清漣漪溪上晴嵐紫翠圍連舸載書烟渚泊

提壺入林春巖肥身遠雲霄作幽夢手栽花竹映山扉
磯頭雪影多鷗鷺也著狂夫一浣衣

畫寄王雲浦

吳松江水漾春波江上歸舟發棹歌邀我江亭醉三日
鳳笙鸞吹拂雲和紛紜省署縻官職老我澄懷倦遊歷
看君骨相自有仙故作長松掛青壁

題畫

橘窻春夜雨潺潺剪燭裁詩畫碧山迸水定侵林下路

蕙花委砌石苔斑
夢乘艇子清江濶
坐聽橈聲暗相撥
未必漁翁似我閒
棹歌不待鳴鳩聒

畫竹贈王允剛

子猷借地種修筠
何可一日無此君
葉籠書席搖翠雨
陰結香爐屯綠雲
聞孫近住吳江渚
二仲遨遊如蔣詡
置酒邀余寫竹枝
隔竹庖人夜深語

題畫竹

吾友王翁字元舉
喚我濡毫畫鱣楮
喬柯修竹蒼蘚石

霜葉風梢碧滋雨湖州仙去三百禩坡翁高絕孰與侶
黃華父子亦間出氣粗惜產旃裘所本朝高趙妙一世
茂視子端少稱許薊丘黃巖筆墨間瑞鶴神鸞競翔翥
二公去後無復有谷鳥林鳥誰指數奎章博士丹丘生
未若員嶠能濡吻道園歌咏譽丹丘坡曉畫法難為語
常形常理要玄解品藻固已英靈聚少陵歌詩雄百代
知畫曉書真謾與坡深書畫詩更妙味永甘香試耽咀
嗟余生後愛詩畫所恨遨遊不從汝王翁好古已成癖

說史談詩身欲羽吳江遇我意慷慨

一作涕
縱橫

飯我羹芹

一炊黍晚持此卷索塗抹醜婦為蟬走隣女此詩此畫
君勿笑焚棄筆硯當樽俎

題畫贈呂彥貞

江上秋雨晴泊舟煙水汀孤吟誰和予悠悠蟪蛄鳴故
人邀我留三宿豆畦蘿徑居幽獨松醪陸續酌山瓢燈
影縱橫寫風竹水光雲氣共悠悠鶴思鷗情樂此留無
福無衣悲翫辭三沐三鬻歎伊優君自息機江上住我

且沿洄從此去圖訖新詩草草裁眼底流光水東注

至正十三年三月四日同章鍊師過張先生山

齋壁間見柯敬仲墨竹因懷其人其詩文書

畫鑒賞古跡皆自許為當代所少狂逸有高

海岳之風但目力稍恕耳今日乃可得耶

柯公鑒書奎章閣吟詩作畫亦不惡圖書寶玉尊鼎解
文彩珊瑚光錯落自許才名今獨步身後遺名將誰託
蕭蕭煙雨一枝寒呼爾同遊如可作

送潭州魯總管

翺翺文鷁飛渡淮歲筵五采下天階西疇昨夜雨初遍
田父謳歌有好懷湘潭山色隨輕轂談笑來此為州牧
隔岸桐林散綺霞三月洞庭春水綠

十一月廿三日率性德原共載過林下而余適
不在遂返棹還家明日詩來因次韻重邀之
雲林風雪德不孤指顧可求塗豈迂兩忘賓主政自好
一以禮法何其拘我方飄忽念歲月君乃踈豁笑人奴

再為理棹急相就放筆看寫狂遊圖

題文貞公墓道奉先亭字

奉先亭子山之陰雲氣低迴何處尋
烏啼隧道風林靜
蘚剝龜趺雨溜深
故老猶言前日事
鯁生謾感二毛侵
河山流峙英靈在
世事紛紛一短吟

恒德堂

虛林閒居養黃寧
隱几逍遙遊玉京
怡然樂康息天黥
良醫良相仙道并
厥施同仁而異名
沒身身存故長生

龍虎佩符鳳皇翎出戲玄洲入紫清一念不已三千齡
子能神視廬幽貞觀恒斯見天地情氣專志一德乃恒
賦清隱閣

爾營卓閣名清隱著在輕鷗遠水邊春池覓句正思爾
拄杖敲門忽繫船共賞竒文哦庾信更誇草聖法張顛
到此自忘歸興逸研雲歸寫古苔篇

寫墨竹贈顧友善

顧伯末派隱君子林居江濱古東里潔身潔行讀書史

思友天下之善士綠竹猗猗蔚材美獨立不懼羣不倚
長吟揮毫為君起寫其形模惟肖似諒哉直清可以比
贈丘氏兄弟及周生

岑參兄弟皆好奇二丘那復論東西款門看竹我初到
置酒投轄烏欲棲掃壁寫圖觀落墨淪芹留坐綴新題
東風甚與周郎便桃李陰陰晝滿蹊

題柯敬仲竹

誰能寫竹復盡善高趙之後文與蘇檢韻蕭蕭人品係

篆籀渾渾書法俱奎章博士生最晚耽詩愛畫同所趨
興來揮灑出新意孰謂高趙先乎吾

古劍行

雍公孫子氣甚清示我揚顛古劍行劍鋒詩律兩奇絕
秋蓮光彩玉庚庚揚顛健筆老縱橫是亦鐵中之錚錚
吐詞鬱律鳴不平鳳皇來為盛世鳴一代惟數虞翁生
余也學書學劍既老何由而成名

富貴詠

富貴詘於人曷若貧肆志何從得此言聞之魯連子鴻
飛冥冥天為低下視俯啄何卑微去去煙蘿碧巖裏瀑
流千尺洗塵衣

食無肉

食無肉兮出無車旅無依兮歸無家秋風嫋嫋江漢槎
遠波落日明荷花枳棘芟芟道云賒飛蓬蕭颯雙鬢華
夜有吟蛩晨有鳴蛙玉琴在匣但聞淫哇龍劍掛勝幽
遐吾生有涯知無涯世迫隘兮紛浮華思從句漏求丹

砂忍食安期棗如瓜高卧白雲滄絳霞

趙善長氏妙於繪事以荆關法為遜學周君畫
天香深處圖為賦此篇

周君洵美玉色溫有宋尚書之子孫尚書第宅古閩國
秋風老桂蒼雲屯有子五人總攀桂孝友才華稟忠義
周君今住讓王城澤流綿延俄八世載懷先生發咏歌
月明珠樹繁交柯白榆厯厯不可數手援北斗酌天河
尚書父及子騎箕入霄漢逝波逐回風翕忽驚世換清

芬沾灑後人多翠靄金葩影零亂鳳歌我亦楚狂人吳
市經遊幾度春泛泛去來舟不繫狎鷗決去忽難親天
香深處留茶屋為愛珍圖思超俗好繩祖武揚德馨公
侯之始爾其復

次遜學廣文舟出金焦山韻

眼前金芙蓉一朵迎人青焦山岌業蒼石稜長江無波
素練平蛟鼉出沒魚龍變化翕忽徙南溟絳霞晴虹映
朝日光彩激射雲錦屏指點齊州瞰吳楚歎唾萬里吞

為吐江水潺湲橫淚流古人去我今幾秋有子仲謀才
不世多情庾亮晚登樓逝流轉柁鳴津鼓歷亂沙鷗起
檣櫓當時行樂恣經過舉酒觀魚登網罟海若決水不
滿酌任公釣鼇且脣俎諷清綿斷復續瑤草琅玕動
盈掬豈意一朝憂患生夫君處南予處北江流東去不
西迴爾亦胡為乎嗟哉寒蜂長吟送落景砌蛩悲切助
予哀仙人王子喬吹笙駕風雲招邀女媧補天手鍊石
看作五色文

和周正道拔時髦韻

何處雲間搭鳳毛
分歲蕤潛九苞
空林春風露梢梢
雉雉不聞鶴鳴皋
雲中金支紛翠翹
龍鸞夭矯羣仙朝
網羅張弛野喧囂
羣飛畢命罔遁逃
隕身折翮隨所遭
毋啄我殼傾我巢
鳳兮麟兮遠莫招
腥風血毛灑林郊
隼鷃飛擊當絳霄
西飛鷓鴣東伯勞
旭日鳴雁聲嗷嗷
鬼車鴟鷂鵙鴟鴞
風雨如晦聞呶號
時乎時乎孰如朝
吁嗟清濁寧混淆
拔乎其萃皆時髦

春草堂

是日表君子英同集軒
中壬子正月五日也

春草軒中隱几坐中有表髯閒似我欲浮清海狎羣鷗
擬向鷓夷借輕舸二月水煖河豚肥子苦留我我懷歸
半鐺雪浪薰香茗掃榻蕭條共掩扉麝煤繭紙齊梁筆
寶繪珍題品神逸洗滌古玉龍眠池臨榻竒蹤淨名室
紅蠶捲碧春將酣檳榔萋葉嚼香甘夜闌更鼓湘妃瑟
笙磬同音詠雅南別君此去何草草山為迴旋海為倒
令威白鶴會重來世人胡為易衰老

至正丁酉十一月五日余友陳兄惟允過余旅
寓鼓楚詞一再行因寫墨君并走筆賦長句
以贈時漏下二刻矣筆硯荒落自愧草草惟
允當有以教我耶

陳郎鼓琴初月明能對楚人作楚聲江風動地波撼席
蘆雪撲帳雲棲夢每驚遠道意慘愴忽此聚首心怔營
賦詩寫圖以為贈比竹貞德琴亮清

寫松江山色并詩贈子俊茂才

窮冬舟過吳淞渚千里交歡少嵇呂范張一室小如壺
雞黍時時慰羈旅阿兄彈琴送飛鴻讀書頗有沈潛功
阿弟煮茶敲石火滿江春雨聽松風圖書四壁醒愁睡
隱几嗒然忘世慮扁舟一葉五湖遊身與閒雲共來去
三月六日天氣清為爾咏出詩無聲袖有青銅錢二百
為余沽酒作魚羹

題虞勝伯畫仙臺高士圖

仙臺有高士聞在最高峯濯足五湖水結巢千歲松霞

扉雲扃閤丹壑落花如雪吹微濛醉顏高卧日曛曛飛

鳧蹴踏金芙蓉絳綃為裳

一作紫
芝眉宇

玉鍊容往來儵忽其

猶龍伊誰貌此世外蹤青城山人仙中翁運筆直與天
同功倪生作詩以詠歎凌跨倒景他日期相從

壬子九月望日過孤雲大士寶淨精舍留宿十

九日為寫林亭遠岫圖并賦

敬亭山色青如染妙德端居在西崦片雲出岫本無心
拂石縈林晴冉冉江西帆影又江南笑看羣狙芋四三

道遇化城聊暫止
更營寶淨小禪龕

題趙千里扇上畫山

誰見解衣作盤礴
卷懷雲煙歸掌握
春雨冥冥江水深

一作
波 竹間日暮衣裳薄
零落王孫翰墨餘
越王臺殿久

荒蕪要知人好畫
亦好愛比當年屋上烏

附錄次韻

張伯雨

翠竹丹山氣旁薄
幾疊香痕經手握
何年破鏡飛下

天吳淞水剪刀薄
江南寶繪多遺餘
王孫不

歸恨蘼蕪蘼蕪消
歇秋風起班班
為我歌烏烏

又

鄭元祐

宋諸王孫妙盤礴
萬里江山歸一握
卷藏袖中舒在

手清風徐來，穀衣薄文采於今淪落，餘雕闌玉砌，凄靡蕪至，寶不隨黃土化，門上空啼頭白鳥。

又

陳方

苧衣春煖，初盤薄點綴溪山，不盈握白雲，隔浦見桃花，坐使涼風起，叢薄故物凋零，百歲餘王孫，有恨迷平蕪，衡門今日看真蹟，始與人辨雌雄鳥。

苦雨行

孟秋苦雨稻禾死，天地晦冥龍怒嗔，南隣老翁卧不起，漏屋溼薪愁殺人，自云今年八十剩力農，一生茲始病，兩逢赤旱三遇水，租稅何曾應王命，吾今寧免身為魚，死當其時良可吁。

汎滄浪

滄浪可濯纓春雨看潮生
斲得木蘭槩欲向桃源行
桃花源裏秦人住花發綺霞明
處處何用文章寄武陵時
有漁郎自來去

至正乙巳五月廿三日畫雅宜山齋圖并題

靈巖對直雅宜山穹林巨石臨

一作憶

蒼灣若翁遁跡在

其麓有子讀書常閉關松根茯苓煮可握

一作掘

林下慈

鳥去復還寫圖愛此錦步障白雲紅杏春闌斑

戲贈東方生

國士腰間玉鹿盧
猛將手中金僕姑
英雄往往出屠釣
輕薄紛紛能諂竅
寶劍生塵無所用
黃流明月若為污
揚雄枉擬相如賦
今日論兵重武夫

送友之紹興

賀監宅前路荷花
今亦無空餘湖上
月照見水中蒲送
爾作官幽絕處錢
唐江頭飛柳絮聽
事一作署臨堤滿夕
嵐惟有沙鷗自來
去

題張外史剪韭亭

外史詞華耿霜月
劍花秋瑩鷓鴣膏
皎然光燄照綠水
不假雕琢慚鉛刀
雅音自出性情正
庸工徒為血汗勞
若人逝矣不復作
稂莠雨深那可薅

壬子九月十九為潘翁仲暉畫并賦詩右方

此畫

在長

安中

阿翁好讀閒居賦
桃李春風滿庭戶
時與華陽道士行
還隣角里先生住
寶淨僧居共齋粥
已看富貴如風霧

我來三宿夜連床行路荆榛歲將暮

泉州兩義士行

孫天富陳寶生皆泉州人


泉州兩義士異姓乃同心同心而同居利矣能斷金不
見橫海虹夢見海畔路夢隨春雪舞迴風思逐奔湍向
東注婁江之水沄沄其波方舟容與遄歸以歌落葉不
息飄揚無蹤大風雲飛嗟彼斷蓬人生乖離式與此同
翩翩者鴻飛鳴相隨矐彼儉人我心實悲兄弟戕賊室
家瘡痍背義競利曾弗之思兩士相讓以義其誰似之

文
三
日
三
八
八
八

清岡閣全集



清閔閣全集卷四



總校官庶吉士臣張能照

校對官庶吉士臣翟槐

騰錄監生臣溫之誠

欽定四庫全書

集部

清閔閣全集卷五



詳校官助教臣謝登雋

欽定四庫全書薈要卷一萬六千五百五十一

集部

清閔閣全集卷五

元倪瓚撰

七言律詩

送倪中愷入都

酌酒送君遊上京
風帆回首闔閭城
煙消南國梅花發
冰泮長河春水生
太史奏雲龍五色
伶倫吹律鳳雙鳴
仰觀禮樂夔龍盛
好播聲詩頌治平

送張外史還山

道士朝乘白鶴還樓臺金碧鎖空山
半天花雨飛幢節萬壑松風雜佩環
丹井夜寒光剌剌石壇春靜蘚斑斑
飄然便擬從君隱分我玄洲一半間

別姚子章都事

不見高人十五年相看兩鬢各皤然
酒溫鶯語煩三請堪熟蠶匡已四眠
舞袖醉飲明月下歸心飛度白鷗前
練溪倘見韓徵士好示新圖竹色娟

送徐子素

山館留君才一月梅花無數倚霜晴垂簾幽閣團雲影
貯火茶爐作雨聲深竹每容馴鹿臥青山時與道人行
歸舟載得梁溪雪惆悵隣雞月四更

送張鍊師遊七閩

高士不羈如野鶴忽思閩海重經過舟前春水他鄉遠
雪後晴山何處多敲鯨卧雲芳草細鈎輶啼樹野煙和
武陵九曲最清絕落日采蘋聞棹歌

聽秋軒

聽秋軒裏聽秋雨定起山僧坐翠微
 隱隱煙濤搖夜席
 濛濛花雨著人衣驟如崖瀑衝雲落
 婉似湘靈鼓瑟希
 六用根塵今已淨松篁陰下共香霏

晨起一首寄丹丘

竹窻晨起聞幽鳥深巷絕無車馬喧
 多病相如一作馬非

不遇歸田靖節一作陶令自忘言
 墻陰著蕓苗方茁雨裏櫻

桃花正繁二月冥寒少晴日漸一作坐
 看春水上柴門

次錢思復見貽韻

文章傳法似傳燈治病宜求三折肱
退食君休大槐國
安居我學小乘僧業勤已有朋來樂步濶
能無祖武繩
欲挈一壺相慰藉春船月色待君乘

東林隱所寄陸徵士

巖扉桃李晝陰陰耕鑿居人有遠心
一夜池塘春草綠
孤村風雨落花深不嗔野老羣
爭席時有遊魚出聽琴
白髮多情陸徵士松間石上續幽吟

失鶴

啄粟巢松泰華峰直將天地作樊籠不聞丁令歸華表
應馭王喬入太空行跡縱橫苔石上寒棲依舊竹林中

清齋我亦厭腥腐遐舉一作長歎思乘萬里風

北里

舍北舍南來往少自無人覓野夫家鳩鳴桑上還催種
人語煙中始焙茶池水雲籠芳草氣井牀露淨碧桐花

練一作練衣掛石生幽夢睡起行吟到日斜

山園

春水鳧鷖野外堂
山園細路橘花香
棲棲身世書盈篋
漠漠風烟酒一觴
豈謂任真無禮法
也須從俗著冠裳
不營產業人應笑
竹木栽培一作竹
本桃栽已就行

林下遣興

眼見藤梢已過牆
手拈書卷復堆牀
閒臨水檻親魚鳥
欲出柴門畏虎狼
冠製不嫌龜殼小
衣裾新剪鶴翎長
從來任拙惟踈嬾
一月秋陰不下堂

春日

閉門積雨生幽草
歎息櫻桃爛熳開
春淺不知寒食近
水深唯有白鷗來
即看垂柳侵磯石
已有飛花拂酒杯
今日新晴見山色
還須拄杖踏蒼苔

林下

林深何處尋行徑
披草時過野老家
練練澄波晴偃月
蜿蜿小塢曲藏蛇
孤帆賣藥來勾曲
獨木為橋似若耶
高卧閉門成嬾癖
蒼苔從滿石樽窪

二月十日玄文館聽雨

卧聽夜雨鳴高屋忽憶陂塘春水生何意遠林饑獨鶴
若為幽谷滯流鶯成叢枸杞還堪采滿樹櫻桃空復情
二月江頭風浪急無機鷗鳥亦頻驚

對雨寄張伯雨

把酒獨臨溪上雨林深地僻少相過忽與天際真人想
欲乞山陰道士鵝坐久苔花一作研苔侵袖碧書成簷溜沒
階多悠然靜寄東軒下日暮徘徊聊短歌

次陳子貞見示韻

漠漠寒煙墟落際猶餘凍雪鎖荒榛行隨雲谷采樵者
飯供松龕學道人未必杜陵渾嬾慢可憐逸少轉清真
酒船好繫一作溪頭石花鳥相娛行及春

次韻答郊九成見寄

郭外青山舊結廬微茫野逕望中無殘生竟抱煙霞癖
好事猶傳海岳圖夜壁松風懸雅樂秋池菊水酌商飭
倘從世外求玄賞好趁輕舟看釣鱸一作浴鳧

和虞學士寄張外史韻

華陽上館誰曾到，知有高人避世深。
當戶春雲團紫蓋，洗空花雨散青林。
丹臺篆迹龍蛇動，經閣松聲鸞鶴吟。
念子離居消息遠，幾將書札寄遙岑。

再用韻

外史棲真何處尋，桐花原上草苔深。
星壇醮後雲封徑，仙驥歸來風滿林。
丹竈石牀遺往迹，寒松流水續幽吟。
虞君傳世琅玕句，千古清標寄石岑。

一作虞書傳寶人間世為有清詩寄

碧岑

贈張景昭

君能不負白綸巾

一作張卿自道古遺民

世外尋真狎隱淪
虛閣

松聲答笙磬
小山桂樹絕風塵
晨朝絳闕存三景
夜掃

青壇禮七真
每御天風自來去
凌虛好是鶴為身

一作未俗

頑仙非所取清才如子不多人

送章鍊師入京

五鶴翩翩朝帝京
青童遙侍玉宸

一作皇

君倚天樓觀金

銀氣蔽日旌旗錦繡文
夜禮洞庭薦明水
春陪遊輦望祥雲
何人得似愚溪子
高舉凌風思不羣

與伯雨登溪山勝槩樓

樓下清溪夏亦寒
溪頭箇箇白鷗閒
風迴綠卷平堤水
林缺青分隔岸山
若士振衣千仞表
何人汎宅五湖間
絕憐與子同清賞
擬向雲霄共往還

送張貞居遊靈常洞兼簡王晉齋

荆溪山水閔靈宮
子晉笙鸞駐碧峯
午夜月明風滿帳

千厓人靜鶴眠松
緣知瑤草春來長
應有仙人洞口逢
莫為青螺翁久住
歸時騎取葛陂龍

過許生茅屋看竹

舟過山西已夕曛
許生茅屋遠人羣
鑿池數尺通野水
開牖一規留白雲
煮藥煙輕衝竈出
碓茶聲遠隔溪聞
可憐也有王猷興
階下新移廿此君

答王彞齋

客居北渚靜窺臨
霜藻蕭蕭雪滿簪
玉石在山聊混璞

金蘭惟子久同心每懷往事悲今事莫棄分陰惜寸陰
自笑蝸廬無長物窻前陶器與單衾

長至後十日蓋十一月十日也獲與德機伯昂
二高尚公謹伯充二賢良共咏弄齋有道先生
見貽佳製絕歎敦厚優柔得唐人句法宋諸老
性情也張高尚命即次韻奉和書紙尾所謂以
狗尾續貂多見其不知量也恕
之辛甚是歲乙巳倪瓚再拜

八月廿三日留南宮岳山人飲明日岳山人過
玉山南宮老矣不知復幾聚首觀花聽琴情
不能堪因賦兼東玉山

芙蓉著花已爛熳濁酒彈琴聊少停
數聲別鵲隔江渚一醉秋風空玉瓶
况當賓客欲行邁忍使風雨即飄零
攀條掇英重惆悵但願花下長不醒

在同里懷元用

一水東西雲窈窕幾家楊柳木芙蓉
齋居幽閒無人到屐齒經行破蘚封
密竹窻虛秋半雨叢一作楓林寺遠日

沈鐘寄詩為道長相憶欲話離愁何日逢
一作想亦依

寄王成夫

茂深閉閣獨焚香
那識窮愁客
異鄉坐拂朱絃
彈綠水
狂攜紅袖浹清觴
春池雨後泉應滿
庭樹雲移影更長
月燭露帷非予樂
五湖煙景屬漁郎

乙未歲余年適五十
幼志於學皓首無成
因誦
昔人知非之言慨然永歎賦此

陰風二月柳依依
隱映湖南白板扉
旅泊無成還自笑
吾身如寄欲何歸
美人竟與春鴻遠
短髮忽如霜草

一作

藻
稀五十知非良
有以重嗟學與寸心違

三月廿二日雨懷荆溪勝遊寄原道

我昔繫舟尋杜牧荆溪流

水落山川一作

光春茶已放仙

人掌露蘚渾侵玉女牀酒闌更踏花間月舞罷猶彈陌
上桑此日狂遊忘旦暮十年回首意茫茫

贈張玄度時方喪內

吳松江水似荆溪九點煙嵐落日西寂寂郊園寒食過
蕭蕭風雨竹雞啼蕙花委砌心應折芳草歸途意轉迷
曾得魯連消息否春潮隨雨到長堤

上巳

石梁破屋路欹斜，似華陽道士家。
漠漠春雲飛別鶴，潺潺夜雨雜鳴蛙。
閒看稚子翻書葉，時有隣翁汲井花。
日暮傷心江水綠，共舟人已躡飛霞。

題張以中野亭

人境曠無車馬雜，軒楹只在第三橋。
開門草色侵書幌，隔水松聲和玉簫。
一榻雲山供夏簟，滿江煙雨看春潮。
君能擷取飛霞佩，天際真人近可招。

送德常同知

聞道之官嘉定去，載書連舸泊江濱。
城樓近瞰吳松月，堠館微霑滄海雲。
宓子風流常宰邑，張翰識達更能文。
亦欲東觀釣鯨手，棹歌秋趁白鷗羣。

贈君震

遠愛尋山復好仙，鶴歸城郭幾何年。
靈芝每掇巖前秀，祕訣還從肘後懸。
松月半空垂羽蓋，風湍一壑瀉鶻絃。
擬開精舍當飛瀑，一作懸溜與爾棲遲日論玄。
一作唯爾丹陽許叔玄

江上作

一作贈
友生

江頭二月雨垂垂起濯塵纓水滿池
賀監宅前重載酒
辟疆園裏更題詩
川途幽邈鴻歸遠
窻戶虛寒燕到遲
忽見故人王架閣
夜闌秉燭話余思

燕吳氏樓居

雲松之樓高入雲
風起松濤

一作松
頂松聲

十里聞瓊杯綺食

行春雨翠幔朱簾
捲夕曛宴遊適當
山擁榻醉卧莫遣
人書裙西飛白鶴
東歸去回首巢居
謝俗氛

九日

自歎不能孤九日一壺濁酒對西山
遙憐玉樹秋風裏
靜看冥鴻落照間
草木蕭蕭雲更碧
山川漠漠鳥飛還
長途誰是陶彭澤
被褐行吟意自閒

懷歸

戴都立敬
先生詩話

久客懷歸思惘然
松間茆屋女蘿牽
三杯桃李春風酒
一榻菰蒲夜雨船
鴻迹偶曾留雪渚
鶴情原只在芝田
他鄉未若還家樂
綠樹年年叫杜鵑

雪後過陳子貞隱居

陶公卜宅南村裏，快雪初晴思一遊。
樹辨微茫來獨鶴，櫓搖欹側散輕鷗。
墨池繞溜春冰滿，塵榻緝書夕照收。
相見惘然如有失，掉頭吟咏出林丘。

贈友

開元道士來相訪，索寫雲林春霽圖。
別我梁溪已二載，去濯滄浪遍五湖。
滿目波容蘸山黛，撩人柳眼亂花須。
避喧政欲尋耕釣，源上桃花無處無。

荆溪即事

銅官之山溪水南周處廟前多夕嵐看卷雲帆歌白紵
勸嘗春酒破黃柑長林獨往誰能覓幽事相關性所耽
苦欲避喧那畏虎倘從地主結松龕

顧仲贄過訪聞徐生病瘥

室裏維摩病已瘳竹爐藥鼎雨聲秋一畦杞菊為供具
滿壁江山入卧遊舟外鷗波情浩蕩窻間蝶夢思綢繆
虎頭癡絕從談詭煮茗聊為半日留

雨後

雨後階

一作循

除泉亂流落花時節綠陰稠石尊貯酒供

杯飲素壁圖書入卧遊翳日長林歲伏虎際天春水浴
輕鷗幽居四月饒櫻筍醉裏題詩一散愁

次柯博士寺壁題韻

初月五日春意動遠水蕩漾情如何鏡中羞見白髮短
柳上愁看青眼多起拂綠琴歌楚調為留明月掛松蘿
弭棹溪南一杯酒他年浪迹倘重過

吳門賦謝陸繼之黃柑紫蟹之貺

闔閭城外皆春水
斜日維舟方醉眠
攜手故人驚夢裡
送書飛雁落樽前
黃柑開裏煩相贈
紫蟹傾筐也可憐
憶爾獨居湖上宅
晴窻竒石翠生煙

送甘允從

來尋墨沼雲林下
共愛女蘿懸石牀
喚人鸚鵡語猶澀
當戶枇杷子半黃
霜一作奉橘定應題百顆
籠鵝即欲寫千行
蘭亭書法人間少
好去山陰覓野航

鶴溪為張天民賦

溪西松影高千尺白鶴時時眠上頭風雨不驚鷗鷺宿
雲霄應與鳳鸞遊明窗筆格珊瑚樹新釀松花瑪瑙甌
露下鳴臯聲徹遠幽人空谷獨相求

悼頂山清上人

杯渡前溪見水源偶來佩芷服蘭蓀香臺猶帶山窻影
經卷長依松樹根雲起晴峯還有觸雪消春野不留痕
儵然我已忘言說翠竹黃花自滿園

送貞居還山

日暮書傳青鳥使
華林瑤草待君歸
挾舟婉婉雙龍出
背雨寥寥一鶴飛
秋水琢成蒼玉佩
朝霞補作紫綃一作
烟衣山中長史來
相覓應借窻間白羽揮

寄貞居及柳太常鄭有道次前韻

華陽外史從幽討
谷口高人亦賦歸
遙憶愚溪對山坐
何時菌閣看鴻飛
荒荒旭日晞玄髮
滴滴流泉浣素衣
寂寞松窻懸榻處
塵生塵尾不堪揮

寄王叔明

幾夢山陰王右軍筆精墨妙最能文每將竹影撫秋月

更愛巖

一作山

居寫白雲祕笈封題饒古迹幽襟

一作雅懷蕭

散逸人羣今年七夕聞多事曝畫緒書到夕曛

薩仲明為丞相府掾時僦居京師名其軒曰半

野後買宅延陵亦揭是名於軒因信宿軒中

賦此贈之

何意開軒名半野身存魏闕思江湖斜侵瓜圃通花藥

稍傍薇垣近竹梧千里秋風催斫鱸九霄晨露浥飛鳧
如今別買荒城宅自掃楓林候野夫

送寶南琛往住荆溪碧雲寺兼柬方厓

碧雲林壑杳重重此去風流似簡公春藥碓間湍激下
空山蛩響月明中結茅擬候芝三秀眠鹿應遺地一弓
聞道重居開竹牖待予艇子過溪東

八月三日與劉道益連床夜話風雨淒然五日

開霽道益賦詩見貽次韻一首

扁舟小泊菰蒲雨
玄論都消身意塵
空寂室中無侍者
蕭條雲外不羈人
酒盃畏病不復舉
燈火新涼差可親
嫋嫋秋風振庭樹
綠波芳草似初春

別張玄度

歸去荆溪丘壑多
松陵浦口復來過
清風明月許玄度
泛宅浮家張志和
夜雨燈檠歌陸續
秋林樹子落杪櫂
相逢相別嗟遲莫
人事多乖奈若何

送張以中由宜興歸金壇

亂後歸來事事非
子長遊歷壯心違
陶公館裏懷仙友
杜牧堤邊戀落暉
松下白雲初起石
草間夕露已沾衣
君今尚有歸耕地
顧我將從何處歸

甘允從來過溪上
將還汝寧賦此奉送

野夫住近青山郭
左右雲林無市聲
忽有故人騎馬至
即呼稚子出門迎
虛窻圖史少開笈
細雨滄浪同濯纓
乍別林居無所賴
裁詩相憶字敬傾

奉和虞學士賦上清劉真人畫像二首

君向積金峯頂住長年高卧聽松風蓬萊雲近瞻天闕
劍佩春明下漢宮歸去長謠紫芝曲翩然遠挹黃眉翁
標名合在諸天上何事置身巖壑中

焚香坐石孤峯月飛佩朝天萬壑風邈爾空歌傳碧落
飄然流響振金宮神君教服玄霜劑聖主能延綠髮翁
共道乘鸞去無迹祥雲繚繞畫圖中

寄養正

得君佳句清如玉秋色驚人換物華老境侵尋真有感

故園隔絕更興嗟
女蘿綠遍縈一作牽茅屋烏桤紅明暎

落霞欲酌一樽澆磊塊
幾時邀子過田家

送僧遊天台

四明山水名天下
師去那知客路遙
雪霽驚鷹騰宿莽

月明寒鵲集疎條
坐尋雲頂千峯石
歸趁江頭八月潮

寄語一作說與山中光老子
送賓也合過溪橋

送諸從事之越中

郡廳草色暎青衫
從事風流雪滿簪
最愛長官能化俗

因知僚佐願停驂
右軍宅裏尋苔石
賀監湖邊咏夕嵐
他日從君覓佳果
來禽青李不須函

贈岳秋澗

曾訪神仙五粒松
澗泉流潤白雲封
林間蘿蔦交青蔓

一作

水畔

一作石上

菖蒲開紫茸
煮石有方留祕訣
采芝何

影

處覓行蹤
岳君別我三千歲
晚戲滄洲得再

一作逢
又汝

答邵生

已從鷗鳥狎雲深
老我無機似漢陰
采采菊花猶滿地

蕭蕭霜髮不勝簪南遊阻絕傷多壘北望艱危折寸心
好在吳松江水上青猿啼處有楓林

逢張玄度

一年不見張玄度秋夜吳城忽爾逢清似石湖梅上月
瘦於廬阜瀑邊松白冠緇布前朝服短髮長齋舊日容
昔者交朋淪落盡及時一作為樂且相從理憂

寄熙本明二首

在山無事入城中每問歸樵得信通松室夜燈禪影瘦

石潭秋水道心空幽扉獨掩林間雨疎磬遙傳谷口風
幾度行吟欲相覓亂流深澗隔西東

白首遙知得道餘不聞詩思近何如高齋夜雪同誰話
古木寒山獨自居夢裏只尋行去路愁時聊讀寄來書
夕陽溪上多飛鳥若箇能看影是虛

寄錢伯行

斑斑苔砌蕙花消忽憶美人山水遙夢得池塘春草句
望殘煙日晚江潮汀雲沙鳥時同宿野飯芹羹或見招

灑掃南湖石上月為留清影醉吹蕭

居竹軒

翠竹如雲江水春結茅依竹住江濱階前迸筍從侵徑
雨後垂陰欲覆隣映葉黃鸝還自語傍人白鶴亦能馴
遙知靜者忘聲色滿屋清風未覺貧

送祖芳二上人參禮育王寺光公

四明之山林麓幽育王塔前神光浮一作流湯休賦詩嘆

寂寞遠公結社憶風流貝葉經文白業進曇花樓閣青

春幽易屨上堂禮足已香煙雲霧共悠悠

寄張天民

清溪演漾綠生蘋溪上軒楹發興新只欠竹陰垂北牖
儘多山色近南津湖魚入饌長留客沙鳥緣階不畏人
媿我萍蹤此淹泊片雲回首一傷神

送簡禪師易道

蓮花峯下簡禪師半醉狂吟索賦詩榻上諸僧禪定後
水邊高閣暮鐘時不堪雨柳縈春夢更惜燈花對酒卮

一作且看書
燈照夜碁

深羨雲棲松頂鶴
吾生飄泊竟何之

寄陸靜遠

積雨雲林生薜蘿
墨池新漲浴羣鵝
每懷笠澤徒漁釣
更擬滄浪聽棹歌
蓮葉滿湖雲掩冉
橘花垂戶雪婆娑
布帆十幅秋風裏
即買湖船載酒過

雲泉小隱為張德機賦

昕

一作朝

夕輕鷗傍釣磯
幽情

一作好山

自不與人違
琴尊花

圃春酣後童冠風
雩晚咏歸雲

一作清

卧半間僧入定
苔

一作流
侵三徑客來稀却憐服食清虛甚黃獨松花煮療饑

送盧錄判之建寧

清溪九曲遊人少想見官河一水分
理楫初辭李子邑到州好訪考亭文
簿書閒暇對春雨齋舍蕭條棲白雲
洗我明年塵土足扁舟亦覓武夷君

寄曹德昭

遙一作苦憶建溪君獨豪一作人
五湖春水雲山高丹崖

青林紫步幃蜀錦越羅金錯刀已知雅頌播廟瑟無復
謳吟悲楚騷伏生衰朽見鵬化願同斥鷃巢蓬蒿

賦王真人胎仙樓

紫閣岩堯闕玉文攝衣迎日禮神君河汾鳳吹來未泯
城郭鶴歸今復聞貪看飛裙舞綵繡遙憐風馭散繽紛
世人政若塵眯目指點虛無疑白雲

過蘭陵宿蔣達善家

蔣詡初開竹下徑野夫聊乘溪上舟珍簟敷牀夏冰薄

湘簾受風春浪浮
圍碁終日對急雨
解帶六月如高秋
可憐相過便傾倒
就宿為君少淹留

寄張貞居

不但入城蹤跡少
南隣野老見猶稀
狂歌鳴鳳聊自慰
舊學屠龍良已非
蒼蘚渾封麋鹿徑
白雲新補薜蘿衣
羊君筆札誰能寄
欲讀靈文一扣扉

送徐元度

荷鏞空林春雨餘
艤舟江岸燕飛初
去尋天上仙人珮

肯顧山中隱者居
霜月四更提劍舞
田園二頃帶經鋤
蘭柴柳密南簷下
佇子雲間枉尺書

奉懷張外史

陰壑慄慄綠苔生
碧雲亭亭多遠情
松杉鶴去轉蕭瑟
洲渚花落自縱橫
從君下榻住十日
看我鼓枻出層城
洞口菌巢無恙否
定應閉閣著書成

寄鄭九成

芙蓉洲渚映江波
落日維舟發棹歌
坐久不知初月墮

居謀何處白雲多
糠粃富貴知吾否
簿領風埃奈子何
几格香材倘持寄
熏鑪茶鼎樂漁蓑

初書記以詩來別且諄諄開諭深見方外之情
因次韻奉謝併期面別

從知四大皆假合
順境逆途非樂憂
夢中妄想驚得鹿
海上忘機思狎鷗
舉世何人到彼岸
獨君知我是虛舟
詩來說法能開諭
頑礦無情也點頭

鄭德明新居

僦居吳市仍栽竹掛榻高齋獨待余
風引香煙金鵲尾
雨添書水玉蟾蜍
仲舉未應治一室
更生何用博羣書
繞牀阿堵那嫌俗
每罄金錢一飯餘

送浙憲掾劉彥文并簡張貞居

落日采蘋溪水綠
日追帆影先飛鴻
寄書為覓仙人隱
種杏今居丹井東
遠道悠悠宵入夢
晴波洶洶晝多風
鳴珂使者清無事
爾得優游羣掾中

寄吳子併懷貞居

江海風流吳孟思十年不見鬢成絲
舊同野老松花供
今寄仙君石室碑
秋日滿船初曬藥
晴雲浮水獨臨池
南山樹裏孤棲鶴
爾去何嘗一問之

謝伯理東還訪之不遇走筆奉寄

謝眺宅前山黛濃
山雲飛墮墨池中
攜家又作他鄉夢
歸棹還隨落葉風
鶴入暝煙愁浩渺
鷗浮遠水思清空
尋君不遇成惆悵
江草青青岸蓼紅

寄盧士行

闔閭浦口路依微
笠澤汀邊白板扉
照夜風燈人獨宿
打窻江雨鶴相依
畏途豈有新知樂
老境空思故里歸
擬問桃花泛春水
船頭浪暖鱖魚肥

訓曹德昭

荆溪山水最清遠
結屋溪邊住幾年
礧底松棲何處鶴
村中茶焙隔林煙
清譚况有王戎勝
閉戶仍多一作孫

敬賢詩出奚囊

一作卷何當

時寄我琅玕色
潤雪濤箋

一作長篇

短句使人傳

張貞居有詩東梁鴻山楊君次韻和之

鴻山東面受朝暎戶牖嵐光晝吐吞梁婦終甘隱吳市

戴琴原不適

一作遂
不過

王門絃歌寂寂虛千載井曰依依

自一村踏

一作掃

雪獨尋楊處士蕭條古道與誰論

杭人有傳余死者貞居聞之愴然因賦以寄之

果園橘熟誰分餉茅屋詩成嬾寄將
衰謝皆傳余已死
迂疎真與世相忘夜分風雨雞鳴急
天濶江湖雁影長
寥落百年能幾面論文猶及重銜觴

霧隱空山秋色一作已深茅齋酒熟向誰斟菊花楓葉愁
相並澗水松風伴獨吟洗耳不堪聞俗語醉眠且復罷
清琴遙知對月深予憶忍不題詩慰子心

寄張德常

身世蕭蕭一羽輕白螺杯裏酌滄瀛逍遙自足忘鵬鷃
漫浪何須記姓名石鼎煮雲聽澗雨玉笙吹月和松聲
憑君為問張公子曾到良常夢亦清

十二月廿四日馮高士訪予笠澤旅寓相與遊
從累日其操行孤削居處簡易有古高逸之風

從容話及德常明公學行之美與僕交義之篤
因言欲以書札枉問以僕深相怪恨遂不復作
計此無他聽雙鳧讒謗之過也雙鳧以十年前
博易之物翻悔不遂竟真恨而去知其動興讒
於所識非特執事也鼠輩小計僕固不恤但可
笑耳王半山面有黑點人教用園葵煎湯洗面
半山曰天生黑於予園葵其如予何但執事不
明之愆則不可逃一人譽之從而敬之一人毀
之從而怒之可乎執事以為何如謹以奉問千
萬還示數字幸甚尊君鶴溪先生侍問道瓚懷
仰之私也
瓚再拜

寄陸明本索酒

楊柳低昂蕙草青西莊風物

一作景

似華亭日修長史登

真訣夜誦虛皇內景經玉冊

一作
牒

初標紫臺籍石苔應

長新宮銘自慚服食清虛甚為覓松肪釀百瓶

蕭從善集其師外史張君詩賦贈

葛翁臺上繙經處陸子泉頭試茗時石記只留金菌閣
宮銘猶樹玉津池晚探風雅還心醉謾說曹劉是我師
麟角鳳毛勤採拾却愁雷電取無遺

贈張楨

憶昨州民饋餼初兵戈阻絕飽艱虞忽驚歸路千荆棘

莫致南溪雙鯉魚
別浦秋蓮明泛泛
寒廳夜雨落疎疎
青衫從事將軍幕
已覺門多長者車

答德常別駕初夏見懷

隔浦鼉鳴似打衙
雲濤城郭夕陽斜
汀前露冷魚鱗屋
窻裡煙輕蟬翥一作紗
市澤風雷時遶几
談空衣袂不沾花
欲分香飯能來否
早晚門前望鹿車一作菩薩如
今只在家

苦雨

冥冥秋雨溺田禾
日日奔雷吼怒鼉
十里荒涼黃犢草

五湖浩蕩白鷗波直應天地移龍穴未覺階除失蟻窠
君子憂民重興感吁嗟天意欲如何

春日送別余一秀才

翼翼高帆開遠天綠波芳草隨煙綿春林風雨集憂思
茅屋琴書移晝眠文采由來庾信少草聖近誇張旭顛
百年聚散如落葉行客居人俱可憐

西野對雨有懷明本彥準并呈道益

怪雨顛風裂芰荷鷗飛雁亂水驚波便須掃地焚香坐

豈有高人載酒過笠澤至今能養鴨山陰何處覓籠鵝
重陰忽霽猶斜日惆悵思君奈若何

贈葛子熙

打碑直入長安道養母還歸白馬峯聞說陰厓留積雪
將尋隱地看長松晴窻弄翰山僧對寒澗行樵野鹿逢
為問山中危太朴到州應與子相從

畱別王叔明

秋蛩唧唧雨蕭蕭楮穎陶泓伴沈寥此去那能期後會

清言聊以永今朝溼雲窻裏初溫酒白鳥汀前又晚潮
故國何人賦招隱桂花零落更停撓

十二月四日和德原率性賦雪韻

海宇希微隱一毫行舟冰泆夕停篙愁看寂寂雙峯並
細數林林亂石高豈有風塵勞白羽漫思文采照宮袍
雪融二月溪流合洞口誰尋千樹桃

題孫氏雪林小隱

天地飄飄一短篷小窻虛白地爐紅
倚然忽起梨雲夢

不定仍因柳絮風鶴影禱襪簷上下鹿迹散漫屋西東
杜門我自無干請閒寫芭蕉入畫中

喜謝仲野見過

階下櫻桃已著花窻前野客獨思家故人攜手踏江路
拄杖敲門驚夢華藉草悲歌聲激烈停杯寫竹影欹斜
新蒲細柳依依綠西北浮雲望眼遮

述感

桑柘蕭條半草萊百年人事哽悲摧沙丘漂母寧復有

故國王孫誰見哀歌吹淒涼銅雀妓世途荏苒霸城災
遙知敕勒穹廬野日夕牛羊欲下來

張德常明公舊有良常草堂在金壇之華陽洞
天揭曼碩張仲舉諸學士嘗賦詩紀勝其後
德常宦遊無定居政績顯著今為松江府判
因潘以仁之便輒賦七言一首奉寄

檇散張侯意久疎齋厨服食轉清虛童初府署標名後
碧落仙官校籙餘海上空濛歸化鶴庭前寂寞有懸魚

一作人間繁
劇典如駕

吳松江水浮青玉聊此殮霞駐羽車

寓齋秋懷次韻三首

渚蒲岾柳望秋零桂樹懸香月影清
楚水浮舟歸未得

羽觴泛螳

一作酒杯到手

句還成雲松眠鶴夢方遠露草寒螿

鳴不平南郭先生玄默久猶將諷詠寄閒情

思歸江漢濯塵纓旅况蕭條秋氣清

一作况乃秋高氣凜清

滿壁

山圖初睡起一簾風雨助詩成
遠樹芊芊煙鶴唳飛鳶

跼跼暮潮平蒼巒九疊淙松瀑擬畢餘生棲遁情

問我歸期未有程秋光羈思共淒清雪留鴻迹應如幻
龜仰龜毛豈有成破屋逃亡寒燐起故宮基構綠蕪平
試聽嗚咽長溝水水本無情似有情

綠波軒二首

綠波佳思復如何階下清陰芳草多爛醉哦詩絃寶瑟
閒眠歌枕幔煙蘿莫將華髮臨明鏡還寫黃庭換白鵝
剪取吳松雲錦麗天孫機杼隔明河

旅况沿洄似夢中孤舟江上白蘋風蕭條病起三家墅

憔悴天涯一秃翁
藿底鷦鷯歎鵬
飛雷鳴瓦缶棄黃鐘
憂來直欲窮牛渚
河漢迢迢萬里
一作碧漢通

三月一日自松陵過華亭

竹西鶯語太丁寧
斜日山光澹翠屏
春與繁花俱欲謝
愁一作病如中酒不能醒
鷗鳴野水孤帆影
鷓沒長天遠
樹青舟楫何堪久
留滯更窮幽賞過華亭

病中懷故友華陽外史次韻

憶昔時雍四海寧
華陽外史住南屏
春愁黯黯懷仙卧

幽鳥關關喚夢醒
塞雁歸時鶯出谷
園花落盡柳縈青
傷心南北數千里
無復沙墩長短亭

呈錢復思用前韻

霞滄雲卧養黃寧
玉笈幽文護石屏
一榻松濤金石弄
半鐺茶雪夢魂醒
玲瓏泰室生虛白
縹緲空歌自始青
不見仙風雲上過
羽車芝蓋曉亭亭

呈諸友人再用前韻

北窻高卧自清寧
煙霧衣裳雲錦屏
舉世無知心自得

衆人皆醉我何醒
黃熊號野兵
埃黑白骨生
苔鬼燐青
舊宅荒蕪時入夢
墨池誰訪子雲亭

歸錫麓

未訪西巖墨沼泉
東家兒女笑相牽
莫話艱難長旅食
敢忘蕭散送餘年
穰稔雲黃秋雨後
芙蓉霜落渚鷗邊
歸來何異遼東鶴
荒塚纍纍思惘然

二月二十日大風

南渚春風二月狂
停橈濯足聽鳴榔
煙邊去鳥暮山碧

衣上飛花春雨香
高柳拂雲依古渡
鷺鷥衝浪起橫塘
遠懷不作悠悠語
忍躡飛鳧返故鄉

寄陳庶子

高行昔聞陳太丘
浮雲蹤跡長

一作雲行
好在思

遠遊丹砂擬

訪葛洪井湖水堪乘
范蠡舟爐銀欲變
頭先白田林可
釀行歸休且排幽憤
澄神慮奏刀已覺無
全牛

後仲明以詩見示次韻漫酬

南湖流水綠泱泱
野鶴同棲秋夜長
短世應須幾緹屐

懷人可但九迴腸驚風零亂芭蕉影冷雨淒迷菡萏香
高尚劉君此肥遁優游物外久韜光

一作寧知百世有餘光

送柳道傳東歸

賦詩南澗寫烏絲靄靄停雲去後思鄉國動成經歲別
江湖復與故人辭溪船斫鱸雲生柁松室聞猿月滿枝
他日重尋言子宅咏歌應在

一作暮春時
唯許

寄開元長老兼呈鄭明德

遠公令我詩興生堂下綠苔無俗情天女試散寶花墜

曲生相逢青眼橫
布金已住長老宅
乞食應憐王舍城

何當慧筏

一作棹歌

一來過同載
唯許鄭康成

呈良常安遇伯仲

松陵竟失五車書
梅里燒焚舊屋廬
衰季悲吟歎羅隱
盛時作賦羨相如
伊優翫辭復何似
臃腫支離聊與居
日日秋風白蘋老
門前江水接空虛

送梁生讀書沈庄

上蔡梁君譜系蕃
凌煙勲業舊諸孫
廬山傍斗可攬秀

大江自岷初發源夜誦庭柯雜琴響春羹汀藻帶潮痕
休文舊宅宜終隱歸近南山祇樹園

題王敬之壁

我來陸庄如故鄉故鄉風景日淒涼解憂幸有盈尊酒
慰眼新栽百畝秧蒲葉清波閒濯足荷花斜日起鳴榔
當年李白成何事白髮緣愁萬丈長

寄周履道

兼旬不見周徵士落月空梁夢見之久狎海鷗聊避世

虛言市虎竟成疑
尊前節序梅將玉
鏡裡形容鬢已絲
日暮煙濤隔城郭
蕭條南渚一吟詩

寄顧仲瑛

江海秋風日夜涼
蟲鳴絡緯促寒

一作尚練

裳民生惴惴瘡

痍甚旅泛依依
道路長衰柳半歌
湖水碧濁醪猶趁
菊花黃知君習靜
觀諸妄林下清齋
理藥囊

寄王明卿

不見孝廉踰十年
高人風節自居然
數間茅屋無人補

一榻寒雲只獨眠
酒榼時須粟里菊
茶煙還煮惠山泉
衡門不出棲遲久
坐有孫登彈一絃

題荆南精舍圖

誰畫荆南精舍圖
烟霏嵐翠墨模糊
林間野鹿時相逐
洞口山猿不受呼
尚有流泉悲夜雨
已迷幽徑入寒蕪
癡人莫彈西飛鶴
雲外仙君恐姓蘇

題米南宮石刻遺像

千秋遺貌

一作米公遺像

刻堅珉却在荒煙野水濱
絕歎莓苔

迷慘淡細看風骨尚嶙峋
山中仙塚芝應長海內清詩
語最新地僻無人打碑賣
緬懷英爽一傷神

題畫貽王光大

荆南山色青如染卜築正當溪水南
浪舞漁舟鷗泛泛
雪消沙渚柳蓀蓀涼軒楓葉晴雲綴
秋浦荷花落日酣
舊宅不歸幽夢遠吳松聊結小禪龕

用王叔明韻題畫

王郎筆力追前輩海岳新圖入卧遊
獨鶴眠松猶警露

孤猿掛樹忽驚秋
陶潛宅畔五株柳
范蠡湖中一葉舟
同煮茯苓期歲暮
殘生此外更何求

題松雪墨竹

緣江修竹巧臨模
慘淡松煙忽若無
亂葉寫空分向背
寒流篆石共縈紆
春渚雲迷思鼓瑟
青厓月落聽啼烏
誰憐文采風流意
謾賞丹青沒骨圖

辛亥六月三日寓實性源禪房為寫竹梢因賦

三首

禪關分榻一作開門便肯留人宿不夜長燃禮佛燈君已風流

如惠遠我聊吟嘯答孫登來依結夏安居者莫厭無家

有髮僧清夜哦詩江月白琅玕節下影鬢鬢

此身已悟幻泡影淨性元如日月燈衣裏繫珠非外一作

不得波間有筏引一作要人登狂馳尚覓安心法玄解寧

為縛律僧曲几蒲團無病惱松蘿垂戶綠鬢鬢

殘生已薄崦嵫景猶護餘光似曉燈玄一作圃雨雲元

不隔華嚴樓閣也須登夢歸金菊山前路飯仰白雲窻

裏僧獨鶴步庭閒
顧影西風吹鬢雪
鬢鬢

寫畫贈潘仁仲醫士

屋角東風多杏花
小軒容膝度年華
金梭躍水池魚戲
彩鳳棲林澗竹斜
疊疊清談霏玉屑
蕭蕭白髮岸烏紗
於今不二韓康價
市上懸壺未足誇

貞居君在餘杭北
郭結樓居之號茅
嶺行窩予
久欲往觀而未能
也茲貞居適有來
此之約

因寄一首

已向雲林開別墅更聞茅嶺有行窩提魚就煮興不淺
看竹頻來意復多梅隴雪晴紅綴萼墨池水暖綠生波
懸知潘令閒居賦不比陰山勅勒歌

再用韻呈張伯雨潘子素

團團桂樹覆巖阿茅屋歸來雪一窩高卧丘園竒氣在
倦遊江海故人多楚山白雁遵寒渚練水長魚出素波
去去南州書問少寂寥誰和紫芝歌

附次韻

扣舷溪子發陽阿落葉霜林見鳥窠清闕閣前春意

早蕭梁臺上月明多顧瞻鳴雁絃中散仰視飛
鳧馬伏波對酒忍思千古事潘郎刺促為誰歌

東友

幽窻談笑話生平屈指年華

一作三
十年前

幾變更白髮滿頭

今已老青山排闥故多情桃花灼灼應無語春雨蕭蕭
尚未清明日扁舟期載酒南山筍蕨正堪烹

曹伯高為曹尚書之子以卜居詩卷索題走筆

漫應

清貧我早識尚書身沒韓公為結廬可但家聲今不替

猶趨禁直未全疎
窻臨墨沼揚雄宅
郭暎雲林謝朓居
共愛諸郎遊息地
風雩閒咏暮春初

陽春堂

陽春堂下春波綠
臘雪初消蕙草青
未覺避喧離世俗
也知習靜愛郊坰
欲為野逸孤琴約
盡醉華筵雙玉瓶
見說陶朱有遠趣
長松傾蓋碧亭亭

風雨

風雨蕭條歌慨慷
忽思往事已微茫
山人酒勸花間月


秦女箏彈陌上桑燈影半窻千里夢泥途一日九迴腸
此生傳舍無非寓謾認他鄉是故鄉

附次韻

張羽

看畫哦詩重慨慷百年翰墨付微茫已憐揮灑如摩
詰可忍悲歌似子桑名世幾人稱妙手舊遊隨
處擾愁腸雲林故事惟文藻遺跡偏多在遠鄉

清閔閣全集卷五



總校官庶吉士臣張能照

校對官庶吉士臣翟槐

謄錄監生臣溫之誠